

Yungzanh: Makgamgaet Doxbeij Doxdax Hoh Fungsou

融安：金桔打擂台庆丰收

2017 nienz 12 nyied 28 hauh, Yungzanh Yen aen “mbanj makngamgaet” neix gawjhengz “gou dwg makgamgaet vuengz Yungzanh” doxbeij doxdax. Daj 2017 nienz 12 nyied co doxdax hingz okdaej 60 faenh (makgamgaet naeng youz caeuq makgamgaet naeng ngauez) haenx daej camgya mbat neix cungj doxdax, doenggvaq yawj aen mak naengmak gyaundeih, hung iq, naek, diemzdoh, gendangj laebgaj daengj hanghmoeg bingzbeij, faenbied bingzok aen vuengz makgamgaenj naeng youz, makgamjgaet naeng ngauez 2017 nienz, gujli caeuq daemxcengj dangdieg nungzminz hwngfat makgamgaet, bangcoh vunlai hohgungzhoj vut gungz demsou.

Ciuq gyoepsuenq, daengz 2017 nienz daej, Yungzanh Yen gonqlaeng gungh cuengqhaej canjyez ngaenzciengj 5200

fanh maenz. Daengx yienh makgamgaet mienhcik dabdaengz 13.3 fanh moux, canjlieng dabdaengz 12.6 fanh dun, canjciz 5.8 ik maenz, saedyienh nungzminz moix boux hangh dog souhaej 2000 lai maenz.

(Danz Gaijhingh/谭凯兴)



◀ Lauxhangz yienh-ciengz bingz faen.

▲ Makgamgaet doxdax yienhcieg.

Gunghcwngz Cunghyoz Banh Yenzdan Yienhcieg Saw Veh Doxdax Hozdung

恭城中学举行2018年元旦现场书画比赛活动

2017 nienz 12 nyied 29 hauh ban-ringzgvaq, Gunghcwngz Cunghyoz gawjhengz yienhcieg sijcih vehveh doxdax hozdung, gaenh 300 boux hagseng yienhcieg gaem bit sij veh.

Mbat yienhcieg doxdax neix, ndaej coicaenh gyoengq doengzhag doxyau sijcih caeuq vehveh, beizyangj gyoengq hagseng gij naengzlig rox gyaue, raen gyaue, cauh gyaue, miz leih ndaej cauhbaenz fwnveiz vwnzva hagdangz gengangh vwnzmingz, gaenxmaenx doxhwnj, singjsien gyaundeih haenx.

(Liengz Veih/梁辉)



▲ Gaem bit sijcih yienj bonjsaeh.



▲ Gwnz fatdienh laj ciengxbya.

Mungzsanh Yen Hwngfat Bya Ndit Dox-bouj Gvanghfuz Fatdienh Hanghmoeg

蒙山县发展渔光互补光伏发电项目

2017 nienz 10 nyied 18 hauh Mungzsanh Yen “gvanghfuz + ciengxbya” banggungz fatdienh hanghmoeg gungh roengzngaenz 500 fanh maenz cingqsik fatdienh haenx, canggi yungzlieng 300 cienvax, hanghmoeg dawz ciengxbya caeuq gvanghfuz fatdienh doxgiethab, doenggvaq youq gwnz mienhraemx cang dencizbanj ndatndit, laj raemx ciengxbya ciengxgungq, dajciengx caeuq fatdienh caemhguh. Hanghmoeg bi canjciz daih' iek 52 fanh maenz, gvanghfuz fatdienh canjciz 38 fanh maenz, ciengxbya ciengxgungq canjciz ndaej 14 fanh maenz.

(Gvanh Sinh/关新 Yenz Gvangjfwnh/贤广芬)

Bahmaj: Banbeizyin Canghdajhanh Haeuj Mbanjungzhoj

巴马：电焊工培训班进入贫困村



▲ Hohgungzhoj hag dienhanh.

2017 nienz 12 nyied 18 hauh, aen nungzminzunggh gisuz beizyin—dienhanh youz Bahmaj Yauzcuz Swciyen Yinzsegiz cawjbanh, Bahmaj Hungcangj Cizyez Beizyin Yozyau ciepbanh haenx, youq aen yienh neix Yendung Cin Dugzhoz Cunh Yindungcangz haiban. Aen yienh neix lij giva moix aen mbanjungzhoj sou 50 boux yozyenz banh aen ban ndeu, ndawde iugouz hohgungzhoj vunsoq mbouj ndaej noix gvaq 20 boux, laebdaeb beizyin ndwen he itcig daengz ndaej hag rox gisuz bae.

(Liengz Sauwnh/梁绍恩)